

## **“SARS E HAPILE CRYSTAL METH YA BOIMA BA DIKILOKGRAMO TSE 98.49 KG YA BOLENG BA R 2-MILLION”**

**PRETORIA, Mantaha wa la 13 Motsheanong 2019** – Ka matjeke a hoseng maobane, diofisiri tsa Ditshebeletso tsa Lekgetho tsa Afrika Borwa (SARS) di kgaeditse moeti wa mosadi ya neng a leka ho mokola crystal methamphetamine (meth) ya dikilokgramo tsa 198.49 kg ho kena ka Afrika Borwa mane moeding wa Beitbridge.

Ketsahalo ena e etsahetse nakong eo moeti wa mosadi ya neng a na le mekotlana e mmedi a neng a koptjwa ho kenya mekotlana ena sebakeng sa Tekolo ya Diphahlo ya tsa Bolaodi ba Meedi. Nakong eo tsena di neng di hlahlojwa ka yona, ho ile ha fumanwa ho hong ho kang kristale ho patilwe ka hara mekotlana e mebalabala ka hara dipolasetiki, e kentse ho hong ho ile ha utullwa ke diteko.

Dithoto tsena di ile tsa hapuwa mme tsa nyehelwa ho Ditshebeletso tsa Sepolesa sa Afrika Borwa (SAPS) bakeng sa poloko le hore ho etswe iphuputso tse ding mme mmelaelwa o ile a tshwarwa. Diphuputso tsa sethatho di supa hore moeti o fofile ho tswa mose ho kena ka naha ya boahisane mme a leka ho kena ka Afrika Borwa ka bese ka lediboho la Beitbridge. Sepolesa sa lehae se fetiseditse taba ena ho di-Hawks bakeng sa diphuputso tse fetang mona. Mmelaelwa enwa o lebelletswe ho hlahella Lekgotleng la Makgistrata wa Musina kajeno.

Letsholo lena le atlehile ka lebaka la tshebedisano e ntseng e tswela pele pakeng tsa SARS le diakgente tse ding tsa molao madibohong, mme kaofela ha rona re ikemiseditse ho sireletsa madiboho a rona le ho bebofatsa kgwebisano e molaong.

